

四庫全書

史部

欽定四庫全書

繹史卷二十四之二

靈壁縣知縣馬驥撰

周禮之制二

鄉射禮

儀禮鄉射之禮主人戒賓賓出迎再拜主人答再拜乃請賓禮辭許主人再拜賓答再拜主人退賓送再拜無

介

記大夫與則公士為賓使能不宿戒右戒賓

乃席賓南面東上衆賓之

席繼而西席主人于阼階上西面尊于賓席之東兩壺

斯禁左玄酒皆加勺篚在其南東肆設洗于阼階東南  
南北以堂深東西當東榮水在洗東篚在洗西南肆縣

于洗東北西面

記蒲筵緇布純西序之席北上尊綰畢賓至徹之其牲狗也亨于堂東北獻用

爵其他用解薦脯用籩五臟祭半臟橫于上醢以豆出自東房臟長尺二寸俎由東壁自西階升賓俎脊脅肩肺主人俎脊脅臂肺肺皆離皆右體也進膳右設席陳器饌乃張侯下綱不及地

武不繫左下綱中掩束之乏參侯道居侯黨之一西五

步

記凡侯天子熊侯白質諸侯麋侯赤質大夫布侯畫以虎豹士布侯畫以鹿豕凡畫者丹質鄉侯上个五

尋中十尺侯道五十弓弓二寸以為侯中倍中以為躬倍躬以為左右舌下舌半上舌右張侯

葵定

主人朝服乃速賓賓朝服出迎再拜主人答再拜退賓  
送再拜賓及衆賓遂從之及門主人一相出迎于門外  
再拜賓答再拜揖衆賓主人以賓揖先入賓厭衆賓衆  
賓皆入門左東面北上賓少進主人以賓三揖皆行及  
階三讓主人升一等賓升主人阼階上當楣北面再拜  
賓西階上當楣北面答再拜  
右速賓  
賓至 主人坐取爵于  
上篚以降賓降主人阼階前西面坐奠爵興辭降賓對  
主人坐取爵興適洗南面坐奠爵于篚下盥洗賓進東

北面辭洗主人坐奠爵于篚興對賓反位主人率洗壹  
揖壹讓以賓升賓西階上北面拜洗主人阼階上北面  
奠爵遂答拜乃降賓降主人辭降賓對主人率盥壹揖  
壹讓升賓升西階上疑立主人坐取爵實之賓席之前  
西北面獻賓賓西階上北面拜主人少退賓進受爵于  
席前復位主人阼階上拜送爵賓少退薦脯醢賓升席  
自西方乃設折俎主人阼階東疑立賓坐左執爵右祭  
脯醢奠爵于薦西興取肺坐絕祭尚左手啐之興加于

俎坐挽手執爵遂祭酒興席末坐啐酒降席坐奠爵拜  
告旨執爵興主人阼階上答拜賓西階上北面坐卒爵  
興坐奠爵遂拜執爵興主人阼階上答拜

右主人  
獻賓

賓

以虛爵降主人降賓西階前東面坐奠爵興辭降主人  
對賓坐取爵適洗北面坐奠爵于篚下興盥洗主人阼  
階之東南面辭洗賓坐奠爵于篚興對主人反位賓率  
洗揖讓如初升主人拜洗賓答拜興降盥如主人之禮  
賓升實爵主人之席前東南面酢主人主人阼階上拜

賓少退主人進受爵復位賓西階上拜送爵薦脯醢主人升席自北方乃設折俎祭如賓禮不告旨自席前適阼階上北面坐卒爵興坐奠爵遂拜執爵興賓西階上北面答拜主人坐奠爵于序端阼階上再拜崇酒賓西階上答再拜右賓酢主人主人坐取觶于篚以降賓降主人奠觶辭降賓對東面立主人坐取觶洗賓不辭洗卒洗揖讓升賓西階上疑立主人實觶酬之阼階上北面坐奠觶遂拜執觶興賓西階上北面答拜主人坐祭遂

飲卒觴興坐奠觴遂拜執觴興賓西階上北面答拜主人降洗賓降辭如獻禮升不拜洗賓西階上立主人實觴賓之席前北面賓西階上拜主人坐奠觴于薦西賓辭坐取觴以興反位主人阼階上拜送賓北面坐奠觴于薦東反位主人揖降賓降東面立于西階西當西序

記凡奠者於左將舉者於右右主人酬賓

主人西南面三拜衆賓衆賓皆

答一拜主人揖升坐取爵于序端降洗升實爵西階上獻衆賓衆賓之長升拜受者三人主人拜送坐祭立飲



不拜既爵授主人爵降復位衆賓皆不拜受爵坐祭立

飲每一人獻則薦諸其席衆賓辯有脯醢主人以虛爵

降奠于筐

記以爵拜者不徒作凡舉爵三作而不徒爵衆賓之長一人辭洗如賓禮立者東面北上

樂正與立者齒右主人獻衆賓

揖讓升賓厭衆賓升衆賓皆升就席

一人洗舉觶于賓升實觶西階上坐奠觶拜執觶興賓

席末答拜舉觶者坐祭遂飲卒觶興坐奠觶拜執觶興

賓答拜降洗升實之西階上北面賓拜舉觶者進坐奠

觶于薦西賓辭坐取以興舉觶者西階上拜送賓反奠

二其所舉觶者降

右一人舉觶為旅酬始

大夫若有尊者則入

門左主人降賓及衆賓皆降復初位主人揖讓以大夫  
升拜至大夫答拜主人以爵降大夫降主人辭降大夫  
辭洗如賓禮席于尊東升不拜洗主人實爵席前獻于  
大夫大夫西階上拜進受爵反位主人大夫之右拜送  
大夫辭加席主人對不去加席乃薦脯醢大夫升席設  
折俎祭如賓禮不嚙肺不啐酒不告旨西階上奉爵拜  
主人答拜

記若有諸公則如賓禮大夫如介禮無諸公則大夫如賓禮樂作大夫不入右獻大夫

大夫降洗主人復阼階降辭如初卒洗主人盥揖讓  
升大夫授主人爵于兩楹間復位主人實爵以酢于西  
階上坐奠爵拜大夫答拜坐祭卒爵拜大夫答拜主人  
坐奠爵于西楹南再拜崇酒大夫答拜主人復阼階揖  
降大夫降立于賓南主人揖讓以賓升大夫及衆賓皆  
升就席右大夫  
酢主人席工于西階上少東樂正先升北面  
立于其西工四人二瑟瑟先相者皆左何瑟面鼓執越  
丙弦右手相入升自西階北面東上工坐相者坐授瑟

乃降笙入立于縣中西面乃合樂周南關雎葛覃卷耳  
召南鵲巢采芣采蘋工不興告于樂正曰正歌備樂正  
告于賓乃降主人取爵于上篚獻工大師則為之洗賓  
降主人辭降工不辭洗卒洗升實爵工不興左瑟一人  
拜受爵主人阼階上拜送爵薦脯醢使人相祭工飲不  
拜既爵授主人爵衆工不拜受爵祭飲辯有脯醢不祭  
不洗遂獻笙于西階上笙一人拜于下盡階不升堂受  
爵主人拜送爵階前坐祭立飲不拜既爵升授主人爵

衆笙不拜受爵坐祭立飲辨有脯醢不祭主人以爵降

奠于篚反升就席

記三笙一和而成聲獻工與笙取爵于上篚既獻奠于下篚其笙則獻諸

西階上

右樂賓

主人降席自南方側降作相為司正司正禮

辭許諾主人再拜司正答拜主人升就席司正洗觶升

自西階由楹內適阼階上北面受命于主人西階上北

面請安于賓賓禮辭許司正告于主人遂立于楹間以

相拜主人阼階上再拜賓西階上答再拜皆揖就席司

正實觶降自西階中庭北面坐奠觶興退少立進坐取

觶興反坐不祭遂卒觶興坐奠觶拜執觶興洗北面坐

奠于其所興少退北面立于觶南未旅

記司正既舉觶而薦諸其位右

立司正

三耦俟于堂西南面東上司射適堂西袒決遂

取弓于階西魚挾乘矢升自西階階上北面告于賓曰

弓矢既具有司請射賓對曰某不能為二三子許諾司

射適阼階上東北面告于主人曰請射于賓賓許司射

降自西階階前西面命弟子納射器乃納射器皆在堂

西賓與大夫之弓倚于西序矢在弓下北括衆弓倚于

堂西矢在其上主人之弓矢在東序東司射不釋弓矢  
遂以比三耦於堂西三耦之南北面命上射曰某御於  
子命下射曰子與某子射司正為司馬司馬命張侯弟  
子說東遂繫左下綱司馬又命獲者倚旌於侯中獲者  
由西方坐取旌倚于侯中乃退樂正適西方命弟子贊  
工遷樂于下弟子相工如初入降自西階阼階下之東  
南堂前三筓西面北上坐樂正北面立于其南

記三耦者使弟

子司射前戒之司射之弓矢與扑倚于西階之西司射既袒決遂而升司馬階前命張侯遂命倚旌旌各以其

物無物則以白羽與朱羽糝枉長三仞以鴻脰韜上二  
尋凡挾矢於二指之間橫之司射在司馬之北司馬無  
事不執弓右  
請射比耦

司射猶挾乘矢以命三耦各與其耦讓  
取弓矢拾三耦皆袒決遂有司左執附右執弦而授弓  
遂授矢三耦皆執弓搯三而挾一个司射先立于所設  
中之西南東面三耦皆進由司射之西立于其西南東  
面北上而俟司射東面立于三耦之北搯三而挾一个  
揖進當階北面揖及階揖升堂揖豫則鉤楹內堂則由  
楹外當左物北面揖及物揖左足履物不方足還視俟



中俯正足不去旌誘射將乘矢執弓不挾右執弦南面揖揖如升射降出于其位南適堂西改作一个挾之遂

適階西取扑搢之以反位

記射自楹間物長如筈其間容弓距隨長武序則物當棟

堂則物當楣楚扑長如筈刊本尺射者有過則撻之右司射誘射

司馬命獲者執旌

以負侯獲者適侯執旌負侯而俟司射還當上耦西面作上耦射司射反位上耦揖進上射在左竝行當階北面揖及階揖上射先升三等下射從之中等上射升堂少左下射升上射揖竝行皆當其物北面揖及物揖皆

左足履物還視侯中合足而俟司馬適堂西不決遂袒  
執弓出于司射之南升自西階鉤楹由上射之後西南  
面立于物間右執簫南揚弓命去侯獲者執旌許諾聲  
不絕以至于之坐東面偃旌興而俟司馬出于下射之  
南還其後降自西階反由司射之南適堂西釋弓襲反  
位立于司射之南司射進與司馬交于階前相左由堂  
下西階之東北面視上射命曰無射獲無獵獲上射揖  
司射退反位乃射上射既發挾弓矢而后下射射拾發

以將乘矢獲者坐而獲舉旌以宮偃旌以商獲而未釋  
獲牽射皆執弓不挾南面揖揖如升射上射降三等下  
射少右從之中等並行上射于左與升射者相左交于  
階前相揖由司馬之南適堂西釋弓說決拾襲而俟于  
堂西南面東上三耦牽射亦如之司射去扑倚于西階  
之西升堂北面告于賓曰三耦牽射賓揖司射降措扑反  
位

記命負侯者由其位上射於右始射獲而未釋獲復釋獲復用樂行之右三耦初射

司馬適

堂西袒執弓由其位南進與司射交于階前相左升自

西階鉤楹自右物之後立于物間西南面揖弓命取矢  
獲者執旌許諾聲不絕以旌負侯而俟司馬出于左物  
之南還其後降自西階遂適堂前北面立于所設楬之  
南命弟子設楬乃設楬于中庭南當洗東肆司馬由司  
射之南退釋弓于堂西襲反位弟子取矢北面坐委于  
楬北括乃退司馬襲進當楬南北面坐左右撫矢而乘  
之若矢不備則司馬又袒執弓如初升命曰取矢不索  
弟子自西方應曰諾乃復求矢加于楬

記楬長如筈博  
三寸厚寸有半

龍首其中蛇交韋當楅鬘橫而奉之  
南面坐而奠之南北當洗右取矢

司射倚扑于階

西升請射于賓如初賓許諾賓主人大夫若皆與射則  
遂告于賓適阼階上告于主人主人與賓為耦遂告于  
大夫大夫雖衆皆與士為耦告于大夫曰某御于子西  
階上北面作衆賓射司射降搢扑由司馬之南適堂西  
立比衆耦衆賓將與射者皆降由司馬之南適堂西繼  
三耦而立東上大夫之耦為上若有東面者則北上賓  
主人與大夫皆未降司射乃比衆耦辯

記衆賓不與射者不降右次射

比耦

遂命三耦拾取矢司射反位三耦拾取矢皆袒決  
遂執弓進立于司馬之西南司射作上耦取矢司射反  
位上耦揖進當楅北面揖及楅揖上射東面下射西面  
上射揖進坐橫弓卻手自弓下取一个兼諸附順羽且  
興執弦而左還退反位東面揖下射進坐橫弓覆手自  
弓上取一个興其他如上射既拾取乘矢揖皆左還南  
面揖皆少進當楅南皆左還北面揖三挾一个揖皆左  
還上射於右興進者相左相揖反位三耦拾取矢亦如

之後者遂取誘射之矢兼乘矢而取之以授有司于西方而後反位衆賓未拾取矢皆袒決遂執弓搯三挾一个由堂西進繼三耦之南而立東面北上大夫之耦為

上

記取誘射之矢者既拾取矢而後兼誘射之乘矢而取之右拾取矢就位

司射作射如

初一耦揖升如初司馬命去侯獲者許諾司馬降釋弓反位司射猶挾一个去扑與司馬交于階前升請釋獲于賓賓許降搯扑西面立于所設中之東北面命釋獲者設中遂視之釋獲者執鹿中一人執算以從之釋獲

者坐設中南當楹西當西序東面興受算坐實八算于  
中橫委其餘于中西南末興共而俟司射遂進由堂下  
北面命曰不貫不釋上射揖司射退反位釋獲者坐取  
中之八算改實八算于中興執而俟乃射若中則釋獲  
者坐而釋獲每一個釋一算上射于右下射于左若有  
餘算則反委之又取中之八算改實八算于中興執而  
俟三耦卒射賓主人大夫揖皆由其階降揖主人堂東  
袒決遂執弓搯三挾一个賓于堂西亦如之皆由其階



階下揖升堂揖主人為下射皆當其物北面揖及物揖  
乃射卒南面揖皆由其階階上揖降階揖賓序西主人  
序東皆釋弓說決拾襲反位升及階揖升堂揖皆就席  
大夫袒決遂執弓搢三挾一个由堂西出于司射之西  
就其耦大夫為下射揖進耦少退揖如三耦及階耦先  
升牽射揖如升射耦先降降階耦少退皆釋弓于堂西  
襲耦遂止于堂西大夫升就席衆賓繼射釋獲皆如初  
司射所作唯上耦牽射釋獲者遂以所執餘獲升自西

階盡階不升堂告于賓曰左右率射降反位坐委餘獲

于中西興共而俟

記鹿中髯前足跪鑿背容八算釋獲者奉之先首箭籌八十長尺有握握

素凡適堂西皆出入于司馬之南唯賓與大夫降階遂西取弓矢賓主人射則司射擯升降率射即席而反位

率事大夫降立于西堂以俟射大夫與士射袒纁襦耦少退于物右再射釋獲

司馬袒決執

弓升命取矢如初獲者許諾以旌負侯如初司馬降釋

弓反位弟子委矢如初大夫之矢則魚東之以茅上握

焉司馬乘矢如初司射遂適西階西釋弓去扑襲進由

中東立于中南北面視算釋獲者東面于中西坐先數

右獲二算為純一純以取實于左手十純則縮而委之  
每委異之有餘純則橫于下一算為奇奇則又縮諸純  
下興自前適左東面坐兼斂算實于左手一純以委實  
則異之其餘如右獲司射復位釋獲者遂進取賢獲執  
以升自西階盡階不升堂告于賓若右勝則曰右賢于  
左若左勝則曰左賢于右以純數告若有奇者亦曰奇  
若左右鈞則左右皆執一算以告曰左右鈞降復位坐  
兼斂算實八算于中委其餘于中西興共而俟

右取矢  
視算

司射適堂西命弟子設豐弟子奉豐升設于西楹之  
西乃降勝者之弟子洗觶升酌南面坐奠于豐上降袒  
執弓反位司射遂袒執弓挾一个搯扑北面于三耦之  
南命三耦及衆賓勝者皆袒決遂執張弓不勝者皆襲  
說決拾卻左手右加弛弓于其上遂以執弣司射先反  
位三耦及衆射者皆與其耦進立于射位北上司射作  
升飲者如作射一耦進揖如升射及階勝者先升堂少  
右不勝者進北面坐取豐上之觶興少退立率觶進坐

奠于豐下興揖不勝者先降與升飲者相左交于階前  
相揖出于司馬之南遂適堂西釋弓襲而俟有執爵者  
執爵者坐取觶實之反奠于豐上升飲者如初三耦卒  
飲賓主人大夫不勝則不執弓執爵者取觶降洗升實  
之以授于席前受觶以適西階上北面立飲卒觶授執  
爵者反就席大夫飲則耦不升若大夫之耦不勝則亦  
執弛弓特升飲衆賓繼飲射爵者辯乃徹豐與觶

記禮射不

主皮主皮之射者勝者又射不勝者降主人亦飲于西階上右飲不勝者

司馬洗爵升實

之以降獻獲者于侯薦脯醢設折俎俎與薦皆三祭獲者負侯北面拜受爵司馬西面拜送爵獲者執爵使人祭脯醢執爵興取肺坐祭遂祭酒興適左个中亦如之左个之西北三步東面設薦俎獲者薦右東面立飲不拜既爵司馬受爵奠于篚復位獲者執其薦使人執俎從之辟設于之南獲者負侯而俟

記獲者之俎折脊脅肺臠東方謂之右个

右司馬獻獲者

司射適階西釋弓矢去扑說決拾襲適洗洗

爵升實之以降獻釋獲者于其位少南薦脯醢折俎有  
祭釋獲者薦右東面拜受爵司射北面拜送爵釋獲者  
就其薦坐左執爵祭脯醢與取肺坐祭遂祭酒興司射  
之西北面立飲不拜既爵司射受爵奠于篚釋獲者少

西辟薦反位

記司射釋弓矢視算與獻釋獲者釋弓矢  
釋獲者之俎折脊脅肺皆有祭右司射獻

獲釋

司射適堂西袒決遂取弓于階西挾一个指扑以

反位司射去扑倚于階西升請射于賓如初賓許司射  
降搢扑由司馬之南適堂西命三耦及衆賓皆袒決遂

執弓就位司射先反位三耦及衆賓皆袒決遂執弓各  
以其耦進反于射位司射作拾取矢三耦拾取矢如初  
反位賓主人大夫降揖如初主人堂東賓堂西皆袒決  
遂執弓皆進階前揖及楅揖拾取矢如三耦率北面搢  
三挾一个揖退賓堂西主人堂東皆釋弓矢襲及階揖  
升堂揖就席大夫袒決遂執弓就其耦揖皆進如三耦  
耦東面大夫西面大夫進坐說矢束興反位而後耦揖  
進坐兼取乘矢順羽而興反位揖大夫進坐亦兼取乘



矢如其耦北面搢三挾一个揖退耦反位大夫遂適序  
西釋弓矢襲升即席衆賓繼拾取矢皆如三耦以反位  
記大夫說矢束坐  
說之右拾取矢司射猶挾一个以進作上射如初

一耦揖升如初司馬升命去侯獲者許諾司馬降釋弓  
反位司射與司馬交于階前去扑襲升請以樂樂于賓  
賓許諾司射降搢扑東面命樂正曰請以樂樂于賓賓  
許司射遂適階閒堂下北面命曰不鼓不釋上射揖司  
射退反位樂正東面命大師曰奏騶虞閒若一大師不

興許諾樂正退反位乃奏騶虞以射三耦卒射賓主人  
大夫衆賓繼射釋獲如初卒射降釋獲者執餘獲升告  
左右卒射如初司馬升命取矢獲者許諾司馬降釋弓  
反位弟子委矢司馬乘之皆如初司射釋弓視算如初  
釋獲者以賢獲與鈞告如初降復位司射命設豐設豐  
實觶如初遂命勝者執張弓不勝者執弛弓升飲如初  
司射猶袒決遂左執弓右執一个魚諸弦面鏃適堂西  
以命拾取矢如初司射反位三耦及賓主人大夫衆賓

皆袒決遂拾取矢如初矢不挾魚諸弦弣以退不反位  
遂授有司于堂西辯拾取矢揖皆升就席司射乃適堂  
西釋弓去扑說決拾襲反位司馬命弟子說侯之左下  
綱而釋之命獲者以旌退命弟子退楅司射命釋獲者  
退中與算而俟

記歌騶虞若采蘋皆五終射無算右三射以樂為節

司馬反為

司正退復解南而立樂正命弟子賛工即位弟子相工  
如其降也升自西階反坐賓北面坐取俎西之觶興阼  
階上北面酬主人主人降席立于賓東賓坐奠觶拜執

觶興主人答拜賓不祭卒觶不拜不洗實之進東南面  
主人阼階上北面拜賓少退主人進受觶賓主人之西  
北面拜送賓揖就席主人以觶適西階上酬大夫大夫  
降席立于主人之西如賓酬主人之禮主人揖就席若  
無大夫則長受酬亦如之司正升自西階相旅作受酬  
者曰某酬某子受酬者降席司正退立于西序端東面  
衆受酬者拜興飲皆如賓酬主人之禮辯遂酬在下者  
皆升受酬于西階上卒受者以觶降奠于筐司正降復

位

記古者於旅也語凡旅不洗不洗者不祭既旅士不入右旅酬

使二人舉觶于賓

與大夫舉觶者皆洗觶升實之西階上北面皆坐奠觶

拜執觶興賓與大夫皆席末答拜舉觶者皆坐祭遂飲

卒觶興坐奠觶拜執觶興賓與大夫皆答拜舉觶者逆

降洗升實觶皆立于西階上北面東上賓與大夫拜舉

觶者皆進坐奠于薦右賓與大夫辭坐受觶以興舉觶

者退反位皆拜送乃降賓與大夫反奠于其所興若無

大夫則唯賓

右舉觶為無算爵始

司正升自西階阼階上受命

于主人適西階上北面請坐于賓賓辭以俎反命于主人主人曰請徹俎賓許司正降自西階階前命弟子俟徹俎司正立于序端賓降席北面主人降席自南方阼階上北面大夫降席席東南面賓取俎還授司正司正以降自西階賓從之降遂立于階西東面司正以俎出授從者主人取俎還授弟子弟子授俎降自西階以東主人降自阼階西面立大夫取俎還授弟子弟子以降自西階遂出授從者大夫從之降立于賓南衆賓皆

降立于大夫之南少退北

右徹

主人以賓揖讓說

屨乃升大夫及衆賓皆說屨升坐乃羞無算爵使二人  
舉觶賓與大夫不興取奠觶飲卒觶不拜執觶者受觶  
遂實之賓觶以之主人大夫之觶長受而錯皆不拜辯  
卒受者興以旅在下者于西階上長受酬酬者不拜乃  
飲卒觶以實之受酬者不拜受辯旅皆不拜執觶者皆  
與旅卒受者以虛觶降奠于筐執觶者洗升實觶反奠  
于賓與大夫無算樂賓興樂正命奏陔賓降及階陔作

賓出衆賓皆出主人送于門外再拜

記大夫後出主人送于門外再拜右

無算爵賓出

明日賓朝服以拜賜于門外主人不見如賓

服遂從之拜辱于門外乃退主人釋服乃息司正無介  
不殺使人速迎于門外不拜入升不拜至不拜洗薦脯  
醢無俎賓酢主人主人不崇酒不拜衆賓既獻衆賓一  
人舉觶遂無算爵無司正賓不與徵唯所欲以告于鄉

先生君子可也羞唯所有鄉樂唯欲

右息司正

# 大射儀



儀禮大射之儀君有命戒射宰戒百官有事於射者射人戒諸公卿大夫射司士戒士射與贊者前射三日宰

夫戒宰及司馬射人宿視滌

右戒百官

司馬命量人量侯

道與所設之以狸步大侯九十參七十干五十設乏各去其侯西十北十遂命量人巾車張三侯大侯之崇見鵠於參參見鵠於干干不及地武不繫左下網設乏西

十北十凡乏用草

右張侯

樂人宿縣于阼階東笙磬西

面其南笙鐘其南鐃皆南陳建鼓在阼階西南鼓應鼙

在其東南鼓西階之西頌磬東面其南鐘其南鑄皆南  
陳一建鼓在其南東鼓朔聲在其北一建鼓在西階之  
東南面箎在建鼓之間鼗倚於頌磬西紘右鼓樂厥明

司宮尊于東楹之西兩方壺膳尊兩甌在南有豐纂用  
錫若絺綴諸箭蓋纂如勺又反之皆玄尊酒在北尊士  
旅食于西鑄之南北面兩園壺又尊于大侯之左東北  
兩壺獻酒設洗于阼階東南壘水在東篚在洗西南陳  
設膳篚在其北西面又設洗于獲者之尊西北水在洗

北簋在南東陳小臣設公席于阼階上西鄉司官設賓  
席于戶西南面有加席鄉席賓東東上小鄉賓西東上  
大夫繼而東上若有東面者則北上席工于西階之東  
東上諸公阼階西北面東上官饌

右陳  
器饌

羹定射人告

具于公公升即位于席西鄉小臣師納諸公卿大夫諸  
公卿大夫皆入門右北面東上士西方東面北上大夫  
在千侯之東北北面東上士旅食者在士南北面東上  
小臣師從者在東堂下南面西上公降立于阼階之東

南南鄉小臣師詔揖諸公卿大夫諸公卿大夫西面北

上揖大夫大夫皆少進

右即位

大射正擯擯者請賓公

曰命某為賓擯者命賓賓少進禮辭反命又命之賓再拜稽首受命擯者反命賓出立于門外北面公揖卿大夫升就席小臣自阼階下北面請執冪者與羞膳者乃命執冪者執冪者升自西階立于尊南北面東上膳宰請羞于諸公卿者

右命賓命有司

擯者納賓賓及庭公降一等揖賓賓辟公升即席奏肆夏賓升自西階主人從之

賓右北面至再拜賓答再拜主人降洗洗南西北面賓  
降階西東面主人辭降賓對主人北面盥坐取觚洗賓  
少進辭洗主人坐奠觚于篚興對賓反位主人卒洗賓  
揖乃升主人升賓拜洗主人賓右奠觚答拜降盥賓降  
主人辭降賓對卒盥賓揖升主人升坐取觚執冪者舉  
冪主人酌膳執冪者蓋冪酌者加勺又反之筵前獻賓  
賓西階上拜受爵于筵前反位主人賓右拜送爵宰胥  
薦脯醢賓升筵庶子設折俎賓坐左執觚右祭脯醢奠

爵于薦右興取肺坐絕祭齊之興加于俎坐扱手執爵  
遂祭酒興席未坐啐酒降席坐奠爵拜告旨執爵興主  
人答拜樂闋賓西階上北面坐卒爵興坐奠爵拜執爵興主  
人答拜右主人  
獻賓賓以虛爵降主人降賓洗南西北面

坐奠觶少進辭降主人西階西東面少進對賓坐取觶  
奠于篚下盥洗主人辭洗賓坐奠觶于篚興對卒洗及  
階揖升主人升拜洗如賓禮賓降盥主人降賓辭降卒  
盥揖升酌膳執畢如初以酢主人于西階上主人北面

拜受爵賓主人之左拜送爵主人坐祭不啐酒不拜酒  
遂卒爵興坐奠爵拜執爵興賓答拜主人不崇酒以虛  
爵降奠于篚賓降立于西階西東面擯者以命升賓賓  
升立于西序東面

右賓酢主人

主人盥洗象觥升酌膳東

北面獻于公公拜受爵乃奏肆夏主人降自西階阼階  
下北面拜送爵宰胥薦脯醢由左房庶子設折俎升自  
西階公祭如賓禮庶子贊授肺不拜酒立卒爵坐奠爵  
拜執爵興主人答拜樂闋升受爵降奠于篚

右主人獻公

更爵洗升酌散以降酢于阼階下北面坐奠爵再拜稽

首公答拜主人坐祭遂卒爵興坐奠爵再拜稽首公答

拜主人奠爵于筐

右主人受公酢

主人盥洗升媵觥于賓酌

散西階上坐奠爵拜賓西階上北面答拜主人坐祭遂

飲賓辭卒爵興坐奠爵拜執爵興賓答拜主人降洗賓

降主人辭降賓辭洗卒洗賓揖升不拜洗主人酌膳賓

西階上拜受爵于筵前反位主人拜送爵賓升席坐祭

酒遂奠于薦東主人降復位賓降筵西東南面立

右主人酬



賓 小臣自阼階下請媵爵者公命長小臣作下大夫  
二人媵爵媵爵者阼階下皆北面再拜稽首公答拜媵  
爵者立于洗南西面北上序進盥洗角觶升自西階序  
進酌散交于楹北降適阼階下皆奠觶再拜稽首執觶  
興公答拜媵爵者皆坐祭遂卒觶興坐奠觶再拜稽首  
執觶興公答再拜媵爵者執觶待於洗南小臣請致者  
若命皆致則序進奠觶于篚阼階下皆北面再拜稽首  
公答拜媵爵者洗象觶升實之序進坐奠于薦南北上

降適阼階下皆再拜稽首送觶公答拜媵爵者皆退反  
位公坐取大夫所媵觶興以酬賓賓降西階下再拜稽  
首小臣正辭賓升成拜公坐奠觶答拜執觶興公率觶  
賓下拜小臣正辭賓升再拜稽首公坐奠觶答拜執觶  
興賓進受虛觶降奠于篚易觶興洗公有命則不易不  
洗反升酌膳下拜小臣正辭賓升再拜稽首公答拜賓  
告于擯者請旅諸臣擯者告于公公許賓以旅大夫于  
西階上擯者作大夫長升受旅賓大夫之右坐奠觶拜

執觶興大夫答拜賓坐祭立卒觶不拜若膳觶也則降更觶洗升實散大夫拜受賓拜送遂就席大夫辯受酬如受賓酬之禮不祭酒卒受者以虛觶降奠于篚復位

右公為賓舉旅

主人洗觶升實散獻卿于西階上司官魚卷重席設于賓左東上卿升拜受觶主人拜送觶卿辭重席司官徹之乃薦脯醢卿升席庶子設折俎卿坐左執爵右祭脯醢奠爵于薦右興取肺坐絕祭不啗肺興加于俎坐扱手取爵遂祭酒執爵興降席西階上北面坐

卒爵興坐奠爵拜執爵興主人答拜受爵卿降復位辯獻卿主人以虛爵降奠于篚擯者升卿卿皆升就席若有諸公則先卿獻之如獻卿之禮席于阼階西北面東

上無加席

右主人獻卿

小臣又請媵爵者二大夫媵爵如

初請致者若命長致則媵爵者奠觶于篚一人待于洗南長致者阼階下再拜稽首公答拜洗象觶升實之坐奠于薦南降與立于洗南者二人皆再拜稽首送觶公答拜公又行一爵若賓若長唯公所賜以旅于西階上

初大夫卒受者以虛觶降奠于篚

右公為  
卿舉旅

主人洗觶

升獻大夫于西階上大夫升拜受觶主人拜送觶大夫

坐祭立卒爵不拜既爵主人受爵大夫降復位胥薦主

人于洗北西面脯醢無胾辯獻大夫遂薦之繼賓以西

東上若有東面者則北上卒擯者升大夫大夫皆升就

席

右主人  
獻大夫

乃席工于西階上少東小臣納工工六人

四瑟僕人正徒相太師僕人師相少師僕人士相上工

相者皆左何瑟後首內弦揜越右手相後者徒相入小

樂正從之升自西階北面東上坐授瑟乃降小樂正立于西階東乃歌鹿鳴三終主人洗升實爵獻工工不興左瑟一人拜受爵主人西階上拜送爵薦脯醢使人相祭卒爵不拜主人受虛爵衆工不拜受爵坐祭遂卒爵辯有脯醢不祭主人受爵降奠于篚復位大師及少師上工皆降立于鼓北羣工陪于後乃管新宮三終卒管大師及少師上工皆東站之東南西面北上坐

右作樂獻公

擯者自阼階下請立司正公許擯者遂為司正司正

適洗洗角觶南面坐奠于中庭升東楹之東受命于公  
西階上北面命賓諸公卿大夫公曰以我安賓諸公卿  
大夫皆對曰諾敢不安司正降自西階南面坐取觶升  
酌散降南面坐奠觶興右還北面少立坐取觶興坐不  
祭卒觶奠之興再拜稽首左還南面坐取觶洗南面反  
奠于其所北面立右立  
司正司射適次袒決遂執弓挾乘  
矢于弓外見鏃于弣右巨指鈎弦自阼階前曰為政請  
射遂告曰大夫與大夫士御于大夫遂適西階前東面

右顧命有司納射器射器皆入君之弓矢適東堂賓之  
弓矢與中籌豐皆止于西堂下衆弓矢不挾總衆弓矢  
楅皆適次而俟工人士與梓人升自北階兩楹之間疏  
數容弓若丹若墨度尺而午射正莅之率畫自北階下  
司官埽所畫物自北階下太史俟于所設中之西東面  
以聽政司射西面誓之曰公射大侯大夫射參士射干  
射者非其侯中之不獲卑者與尊者為耦不異侯太史  
許諾遂比三耦三耦俟于次北西面北上司射命上射



曰其御于子命下射曰子與其子射卒遂命三耦取弓

矢于次

右請射  
比耦

司射入于次搢三挾一个出于次西

面揖當階北面揖及階揖升堂揖當物北面揖及物揖  
由下物少退誘射射三侯將乘矢始射干又射參大侯  
再發牽射北面揖及階揖降如升射之儀遂適堂西改  
取一个挾之遂取扑搢之以立于所設中之西南東面

右司射  
誘射

司馬師命負侯者執旌以負侯負侯者皆適

侯執旌負侯而侯司射適次作上耦射司射反位上耦

出次西面揖進上射在左並行當階北面揖及階揖上射先升三等下射從之中等上射升堂少左下射升上射揖並行皆當其物北面揖及物揖皆左足履物還視侯中合足而侯司馬正適次袒決遂執弓右挾之出升自西階適下物立于物間左執弣右執簫南揚弓命去侯負侯皆許諾以宮趨直西及乏南又諾以商至乏聲止授獲者退立于西方獲者興共而侯司馬正出于下射之南還其後降自西階遂適次釋弓說決拾襲反位

司射進與司馬正交于階前相左由堂下西階之東北  
面視上射命曰毋射獲毋獵獲上射揖司射退反位乃  
射上射既發挾矢而后下射射拾發以將乘矢獲者坐  
而獲舉旌以宮偃旌以商獲而未釋獲率射右挾之北  
面揖揖如升射上射降二等下射少右從之中等竝行  
上射于左與升射者相左交于階前相揖適次釋弓說  
決拾襲反位三耦率射亦如之司射去扑倚于階西適  
阼階下北面告于公曰三耦率射反搯扑反位

右三耦  
初射

司馬正袒決遂執弓右挾之出與司射交于階前相  
左升自西階自右物之後立于物間西南面揖弓命取  
矢負侯許諾如初去侯皆執旌以負其侯而侯司馬正  
降自西階北面命設楅司馬正適次釋弓說決拾襲反位小臣坐  
委矢于楅北括司馬師坐乘之若矢不備則司馬正又  
袒執弓升命取矢如初曰取矢不索乃復求矢加于楅  
率司馬正進坐左右撫之興反位

右取矢

司射適西階

西倚扑升自西階東面請射于公公許遂適西階上命  
賓御于公諸公卿則以耦告于上大夫則降即位而后  
告司射自西階上北面告于大夫曰請降司射先降搢  
扑反位大夫從之降適次立于三耦之南西面北上司  
射東面于大夫之西北耦大夫與大夫命上射曰某御  
于子命下射曰子與某子射卒遂比衆耦衆耦立于大  
夫之南西面北上若有士與大夫為耦則以大夫之耦  
為上命大夫之耦曰子與某子射告于大夫曰某御于

子命衆耦如命三耦之辭諸公卿皆未降

右次射  
比耦

遂

命三耦各與其耦拾取矢皆袒決遂執弓右挾之一耦  
出西面揖當楅北面揖及楅揖上射東面下射西面上  
射揖進坐橫弓卻手自弓下取一个魚諸附與順羽且  
左還毋周反面揖下射進坐橫弓覆手自弓上取一个  
魚諸附與順羽且左還毋周反面揖既拾取矢梱之魚  
挾乘矢皆內還南面揖適楅南皆左還北面揖搯三挾  
一个揖以耦左還上射于左退者與進者相左相揖還

退釋弓矢于次說決拾襲反位二耦拾取矢亦如之後  
者遂取誘射之矢無乘矢而取之以授有司于次中皆  
襲反位

右拾  
取矢

司射作射如初一耦揖升如初司馬命

去侯負侯許諾如初司馬降釋弓反位司射猶挾一个  
去扑與司馬交于階前適阼階下北面請釋獲于公公  
許反搢扑遂命釋獲者設中以弓為畢北面太史釋獲  
小臣師執中先首坐設之東面退大史實八算于中橫  
委其餘于中西興共而俟司射西面命曰中離維綱揚

觸梱復公則釋獲衆則不與唯公所中中三侯皆獲釋  
獲者命小史小史命獲者司射遂進由堂下北面視上  
射命曰不貫不釋上射揖司射退反位釋獲者坐取中  
之八算改實八算興執而俟乃射若中則釋獲者每一  
个釋一算上射於右下射於左若有餘算則反委之又  
取中之八算改實八算于中興執而俟三耦率射右再射釋  
獲賓降取弓矢于堂西諸公卿則適次繼三耦以南  
公將射則司馬師命負侯皆執其旌以負其侯而俟司



馬師反位隸僕人埽侯道司射去扑適阼階下告射于公公許適西階東告于賓遂搢扑反位小射正一人取公之決拾于東玷上一小射正授弓拂弓皆以俟于東堂公將射則賓降適堂西袒決遂執弓搢三挾一个升自西階先待于物北北一筈東面立司馬升命去侯如初還右乃降釋弓反位公就物小射正奉決拾以筈大射正執弓皆以從于物小射正坐奠筈于物南遂拂以巾取決興贊設決朱極三小臣正贊袒公袒朱襦率袒

小臣正退俟于東堂小射正又坐取拾興贊設拾以筭  
退奠于坵上復位大射正執弓以袂順左右隈上再下  
壹左執弣右執簫以授公公親操之小臣師以巾內拂  
矢而授矢于公稍屬大射正立于公後以矢行告于公  
下曰留上曰揚左右曰方公既發大射正受弓而俟拾  
發以將乘矢公牽射小臣師以巾退反位大射正受弓  
小射正以筭受決拾退奠於坵上復位大射正退反司  
正之位小臣正贊襲公還而后賓降釋弓于堂西反位

于階西東面公即席司正以命升賓賓升復筵而后卿大夫繼射諸公卿取弓矢于次中袒決遂執弓搢三挾一个出西面揖揖如三耦升射牽射降如三耦適次釋弓說決拾襲反位衆皆繼射釋獲皆如初牽射釋獲者遂以所執餘獲適阼階下北面告于公曰左右牽射反位坐委餘獲于中西興共而俟

記君射則為下射上射退于物一筈既發則答

君而俟君袒朱襦以射小臣以巾執矢以授君國中射則皮樹中以翹旌獲白羽與朱羽糝于郊則閭中以旌獲于竟則虎中龍旌大夫兕中各以其物獲士鹿中翹旌以獲唯君有射于國中其餘否君在大夫射則肉袒

記文原在鄉射  
篇右君卿大夫射

司馬袒執弓升命取矢如初負侯

許諾以旌負侯如初司馬降釋弓如初小臣委矢于楅  
如初賓諸公卿大夫之矢皆異束之以茅卒正坐左右  
撫之進束反位賓之矢則以授矢人于西堂下司馬釋  
弓反位而后卿大夫升就席司射適階西釋弓去扑襲  
進由中東立于中南北面視算釋獲者東面于中西坐  
先數右獲二算為純一純以取實于左手十純則縮而  
委之每委異之有餘純則橫諸下一算為奇奇則又縮

諸純下興自前適左東面坐坐兼斂算實于左手一純以委十則異之其餘如右獲司射復位釋獲者遂進取賢獲執之由阼階下北面告于公若右勝則曰右賢於左左勝則曰左賢於右以純數告若有奇者亦曰奇若左右釣則左右各執一算以告曰左右釣還復位坐兼斂算實八算于中委其餘于中西興共而俟

右取矢  
視算

司射命設豐司官士奉豐由西階升北面坐設于西楹西降復位勝者之弟子洗觶升酌散南面坐奠于豐上

降反位司射袒執弓挾一个搯扑東面于三耦之西命  
三耦及衆射者勝者皆袒決遂執張弓不勝者皆襲說  
決拾卻左手右加弛弓于其上遂以執弣司射先反位  
三耦及衆射者皆升飲射爵于西階上小射正作升飲  
射爵者如作射一耦出揖如升射及階勝者先升升堂  
少右不勝者進北面坐取豐上之觶興少退立率觶進  
坐奠于豐下興揖不勝者先降與升飲者相左交于階  
前相揖適次釋弓襲反位僕人師繼酌射爵取觶實之

反奠于豐上退次于序端升飲者如初三耦牽飲若賓諸公卿大夫不勝則不降不執弓耦不升僕人師洗升賓觶以授賓諸公卿大夫受觶于席以降適西階上北面立飲卒觶授執爵者反就席若飲公則侍射者降洗角觶升酌散降拜公降一等小臣正辭賓升再拜稽首公答再拜賓坐祭卒爵再拜稽首公答再拜賓降洗象觶升酌膳以致下拜小臣正辭升再拜稽首公答再拜公卒觶賓進受觶降洗散觶升實散下拜小臣正辭升

再拜稽首公答再拜賓坐不祭卒解降奠于篚階西東面立擯者以命升賓賓升就席若諸公卿大夫之耦不勝則亦執弛弓特升飲衆皆繼飲射爵如三耦射爵辭乃徹豐與解

記若飲君如燕則夾爵鄉射記文右飲不勝者

司宮尊侯于服

不之東北兩獻酒東面南上皆加勺設洗于尊西北篚在南東肆實一散于篚司馬正洗散遂實爵獻服不服不俟西北三步北面拜受爵司馬正西面拜送爵反位宰夫有司薦庶子設折俎卒錯獲者適右个薦且從之



獲者左執爵右祭薦俎二手祭酒適左个祭如右个中亦如之卒祭左个之西北三步東面設薦俎立卒爵司馬師受虛爵洗獻隸僕人與巾車獲者皆如大侯之禮卒司馬受虛爵奠于篚獲者皆執其薦庶子執俎從之設于乏少南服不復負侯而俟

右司馬  
獻服不

司射適階西

去扑適堂西釋弓說決拾襲適洗洗觶升實之降獻釋獲者于其位少南薦脯醢折俎皆有祭釋獲者薦右東面拜受爵司射北面拜送爵釋獲者就其薦坐左執爵

右祭脯醢興取肺坐祭遂祭酒興司射之西北面立奉爵不拜既爵司射受虛爵奠于篚釋獲者少西辟薦反

位

右司射獻釋獲

司射適堂西袒決遂取弓挾一个適階西

搯扑以反位司射倚扑于階西適阼階下北面請射于公如初反搯扑適次命三耦皆袒決遂執弓序出取矢司射先反位三耦拾取矢如初小射正作取矢如初三耦既拾取矢諸公卿大夫皆降如初位與耦入于次皆袒決遂執弓皆進當楅進坐說矢東上射東面下射西

面拾取矢如三耦若士與大夫為耦士東面大夫西面  
大夫進坐說矢東退反位耦揖進坐兼取乘矢興順羽  
且左還毋周反面揖大夫進坐亦兼取乘矢如其耦北  
面搯三挾一个揖進大夫與其耦皆適次釋弓說決拾  
襲反位諸公卿升就席衆射者既拾取矢皆如三耦遂  
入于次釋弓矢說決拾襲反位

右拾  
取矢

司射猶挾一个

以作射如初一耦揖升如初司馬升命去侯負侯許諾  
司馬降釋弓反位司射與司馬交于階前倚扑于階西

適阼階下北面請以樂于公公許司射反搢扑東面命樂正曰命用樂樂正曰諾司射遂適堂下北面眡上射命曰不鼓不釋上射揖司射退反位樂正命大師曰奏貍首閒若一大師不興許諾樂正反位奏貍首以射三耦率射賓待子物如初公樂作而後就物稍屬不以樂志其他如初儀率射如初賓就席諸公卿大夫衆射者皆繼射釋獲如初率射降反位釋獲者執餘獲進告左右率射如初司馬升命取矢負侯許諾司馬降釋弓反

位小臣委矢司馬師乘之皆如初司射釋弓視算如初  
釋獲者以賢獲與鈞告如初復位司射命設豐實觶如  
初遂命勝者執張弓不勝者執弛弓升飲如初卒退豐  
與觶如初司射猶袒決遂左執弓右執一个兼諸弦面  
鏃適次命拾取矢如初司射反位三耦及諸公卿大夫  
衆射者皆袒決遂以拾取矢如初矢不挾兼諸弦面鏃  
退適次皆授有司弓矢襲反位卿大夫升就席司射適  
次釋弓說決拾去扑襲反位司馬正命退楅解綱小臣

師退福中車量人解左下網司馬師命獲者以旌與薦

俎退司射命釋獲者退中與算而俟

記君樂作而后就物○鄉射記文

右三射以樂為節

公又舉奠觶唯公所賜若賓若長以旅于西

階上如初大夫卒受者以虛觶降奠于篚反位

右公為大夫舉

旅

司馬正升自西階東楹之東北面告于公請徹俎

公許遂適西階上北面告于賓賓北面取俎以出諸公

卿取俎如賓禮遂出授從者于門外大夫降復位庶子

正徹公俎降自阼階以東賓諸公卿皆入門東面北上

司正升賓賓諸公卿大夫皆說履升就席公以賓及卿大夫皆坐乃安羞庶羞大夫祭薦司正升受命皆命公曰衆無不醉賓及諸公卿大夫皆興對曰諾敢不醉皆

反位坐

右徹俎  
安燕

主人洗酌獻士于西階上士長升拜

受觶主人拜送士坐祭立飲不拜既爵其他不拜坐祭立飲乃薦司正與射人于觶南北面東上司正為上辯獻士士既獻者立于東方西面北上乃薦士祝史小臣師亦就其位而薦之主人就士旅食之尊而獻之旅食

不拜受爵坐祭立飲主人執虛爵奠于篚復位

右主人獻士及

祝吏等

賓降洗升媵解于公酌散下拜公降一等小臣

正辭賓升再拜稽首公答再拜賓坐祭卒爵再拜稽首  
公答再拜賓降洗象觥升酌膳坐奠于薦南降拜小臣  
正辭賓升成拜公答拜反位公坐取賓所媵觥興唯公  
所賜受者如初受酬之禮降更爵洗升酌膳下再拜稽  
首小臣正辭升成拜公答拜乃就席坐行之有執爵者  
唯受于公者拜司正命執爵者爵辯卒受者興以酬士



大夫卒受者以爵興西階上酬士士升大夫奠爵拜士答拜大夫立卒爵不拜實之士拜受大夫拜送士旅于

西階上辯士旅酌

右公為士舉旅

若命曰復射則不獻庶子

司射命射唯欲卿大夫皆降再拜稽首公答拜壹發中

三侯皆獲

右復射

主人洗升自西階獻庶子于阼階上

如獻士之禮辯獻降洗遂獻左右正與內小臣皆于阼

階上如獻庶子之禮

右獻庶子及辯獻終

無算爵士也有執膳

爵者有執散爵者執膳爵者酌以進公公不拜受執散

爵者酌以之公命所賜所賜者興受爵降席下奠爵再拜稽首公答再拜受賜爵者以爵就席坐公卒爵然後飲執膳爵者受公爵酌反奠之受賜者興授執散爵者執散爵者乃酌行之唯受于公者拜卒爵者興以酬士于西階上士升大夫不拜乃飲實爵士不拜受爵大夫就席士旅酌亦如之公有命徹幕則賓及諸公卿大夫皆降西階下北面東上再拜稽首公命小臣正辭公答拜大夫皆辟升反位士終旅於上如初無算樂宵則庶

子執燭於阼階上司宮執燭於西階上甸人執大燭於

庭閭人為燭於門外

右無算爵

賓醉北面坐取其薦脯以

降奏陔賓所執脯以賜鐘人於門內雷遂出卿大夫皆

出公不送公入驚

右禮畢出

禮記古者諸侯之射也必先行燕禮卿大夫士之射也

必先行鄉飲酒之禮故燕禮者所以明君臣之義也鄉

飲酒之禮者所以明長幼之序也故射者進退周還必

中禮內志正外體直然後持弓矢審固持弓矢審固然

後可以言中此可以觀德行矣其節天子以騶虞為節  
諸侯以貍首為節卿大夫以采蘋為節士以采芣為節  
騶虞者樂官備也貍首者樂時會也采蘋者樂循法也  
采芣者樂不失職也是故天子以備官為節諸侯以時  
會天子為節卿大夫以循法為節士以不失職為節故  
明乎其節之志以不失其事則功成而德行立德行立  
則無暴亂之禍矣功成則國安故曰射者所以觀盛德也  
是故古者天子以射選諸侯卿大夫士射者男子之事

也因而飾之以禮樂也故事之盡禮樂而可數為以立德行者莫若射故聖王務焉是故古者天子之制諸侯歲獻貢士于天子天子試之于射宮其容體比於禮其節比於樂而中多者得與於祭其容體不比於禮其節不比於樂而中少者不得與於祭數與於祭而君有慶數不與於祭而君有讓數有慶而益地數有讓則削地故曰射者射為諸侯也是以諸侯君臣盡志于射以習禮樂夫君臣習禮樂而以流亡者未之有也故詩曰曾

孫侯氏四正具舉大夫君子凡以庶士小大莫處御于君所以燕以射則燕則譽言君臣相與盡志于射以習禮樂則安則譽也是以天子制之而諸侯務焉此天子之所以養諸侯而兵不用諸侯自為正之具也

射義大戴

禮記曾孫侯氏今日泰射于一張侯參之曰今日泰射四正具舉大夫君子凡以庶士小大莫處御于君所以燕以射則燕則譽質參既設執旌既載于侯既亢中獲既置弓既平張四侯且良決拾有常既順乃讓乃揖乃讓乃濟其堂乃節其行既志乃張射夫命射射者之聲御者之旌既獲率莫凡雅二十六篇其八篇可歌歌鹿鳴貍首鵲巢采芣采蘋伐檀白駒騶虞八篇廢不可歌七篇商齊可歌也三篇閒歌嗟爾不寧侯為爾不朝

于王所故九而射女強食食爾曾孫侯氏百福此  
狸首詩及祭侯辭也錯簡投壺篇之末殘缺未詳

射之為言者繹也或曰舍也繹者各繹已之志也故心  
平體正持弓矢審固持弓矢審固則射中矣故曰為人  
父者以為父鵠為人子者以為子鵠為人君者以為君  
鵠為人臣者以為臣鵠故射者各射已之鵠故天子之  
大射謂之射侯射侯者射為諸侯也射中則得為諸侯  
射不中則不得為諸侯天子將祭必先習射於澤澤者  
所以擇士也已射於澤而后射於射宮射中者得與於

祭不中者不得與于祭不得與於祭者有讓削以地得  
與於祭者有慶益以地進爵紕地是也故男子生桑弧  
蓬矢六以射天地四方天地四方者男子之所有事也  
故必先有志于其所有事然後敢用穀也飯食之謂也  
射者仁之道也求正諸己已正而后發發而不中則不  
怨勝己者反求諸己而已矣

射義 君使士射不能  
則辭以疾言曰某有負薪

之憂  
曲禮

## 投壺



禮記投壺之禮主人奉矢司射奉中使人執壺主人請  
曰某有枉矢哨壺請以樂賓賓曰子有旨酒嘉肴某既  
賜矣又重以樂敢辭主人曰枉矢哨壺不足辭也敢固  
以請賓曰某既賜矣又重以樂敢固辭主人曰枉矢哨  
壺不足辭也敢固以請賓曰某固辭不得命敢不敬從  
賓再拜受主人般還曰辟主人阼階上拜送賓般還曰  
辟已拜受矢進即兩楹閒退反位揖賓就筵司射進度  
壺閒以二矢半反位設中東面執八算興請賓曰順投

為人比投不釋勝飲不勝者正爵既行請為勝者立馬  
一馬從二馬三馬既立請慶多馬請主人亦如之命弦  
者曰請奏狸首閒若一大師曰諾左右告矢具請拾投  
有入者則司射坐而釋一算焉賓黨於右主黨於左卒  
投司射執算曰左右卒投請數二算為純一純以取一  
算為奇遂以奇算告曰某賢於某若干純奇則曰奇鈞  
則曰左右鈞命酌曰請行觴酌者曰諾當飲者皆跪奉  
觴曰賜灌勝者跪曰敬養正爵既行請立馬馬各直其

算一馬從二馬以慶慶禮曰三馬既備請慶多馬賓主  
皆曰諾正爵既行請徹馬算多少視其坐籌室中五扶  
堂上七扶庭中九扶算長尺二寸壺頸修七寸腹修五  
寸口徑二寸半容斗五升壺中實小豆焉為其矢之躍  
而出也壺去席二矢半矢以柘若棘毋去其皮 魯令  
弟子辭曰毋撫毋教毋偕立毋踰言偕立踰言有常爵  
薛令弟子辭曰毋撫毋教毋偕立毋踰言若是者浮司  
射庭長及冠士立者皆屬賓黨樂人及使者童子皆屬

主黨鼓 ○ □ ○ ○ □ ○ □ ○ □ ○ □ ○ □ ○ □ ○ 半 ○ □ ○ □ ○ ○

○ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ 魯鼓 ○ □ ○ ○ □ ○ □ ○ □ ○ □ ○ □ ○ □ ○

○ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ 半 ○ □ ○ □ ○ □ ○ □ ○ □ ○ □ ○ □ ○ □ ○ 薛鼓取半

以下為投壺禮盡用之為射禮魯鼓 ○ □ ○ ○ □ ○ □ ○ □ ○ □ ○ □ ○ □ ○ □ ○ □ ○ □ ○

○ 半 ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ 薛鼓 ○ □ ○ □ ○ □ ○ □ ○ □ ○ □ ○ □ ○ □ ○

○ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ 半 ○ □ ○ □ ○ □ ○ □ ○ □ ○ □ ○ □ ○ □ ○

○ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○ □ ○

# 聘禮

儀禮聘禮君與卿圖事遂命使者使者再拜稽首辭君  
不許乃退既圖事戒上介亦如之宰命司馬戒衆介衆

介皆逆命不辭宰書幣命宰夫官具

記久無事則聘焉  
既受行出遂見宰

問幾月之資  
右命使具幣

及期夕幣使者朝服帥衆介夕管人布

幕于寢門外官陳幣皮北首西上加其奉于左皮上馬

則北面奠幣于其前使者北面衆介立于其左東上卿

大夫在幕東西面北上宰入告具于君君朝服出門左

南鄉史讀書展幣宰執書告備具于君授使者使者受

書授上介公揖入官載其幣舍于朝上介視載者所受

書以行

記使者既受行日朝  
同位右陳幣授使

厥明賓朝服釋幣于禰

有司筵几于室中祝先入主人從入主人在右再拜祝  
告又再拜釋幣制玄纁束奠于几下出主人立于戶東  
祝立于牖西又入取幣降卷幣實于笄埋于西階東又  
釋幣于行遂受命上介釋幣亦如之

右將行  
告禰

上介及

衆介俟于使者之門外使者載旌帥以受命于朝君朝  
服南鄉卿大夫西面北上君使卿進使者使者入及衆

介隨入北面東上君揖使者進之上介立于其左接聞  
命賈人西面坐啓櫝取圭垂纁不起而授宰宰執圭屈  
纁自公左授使者使者受圭同面垂纁以受命既述命  
同面授上介上介受圭屈纁出授賈人衆介不從受享  
束帛加璧受夫人之聘璋享玄纁束帛加琮皆如初遂  
行舍於郊斂旌

記所以朝天子圭與纁皆九寸剡上寸半厚半寸博三寸纁三采六等朱白蒼

問諸侯朱綠纁八寸皆玄纁繫長尺絢組問大夫之幣俟于郊為肆又齋皮馬凡四器者唯其所寶以聘可也凡執玉無藉者襲出祖釋軼祭酒脯乃飲酒于其側右受命于朝即行

若過邦至于竟

使次介假道束帛將命于朝曰請帥奠幣下大夫取以  
入告出許遂受幣餼之以其禮上賓大牢積唯芻禾介  
皆有餼士師沒其竟誓于其竟賓南面上介西面衆介  
北面東上史讀書司馬執策立于其後

右過他邦假道

未入

竟壹肆為壇壇畫階惟其北無宮朝服無主無執也介  
皆與北面西上習享士執庭實習夫人之聘享亦如之  
習公事不習私事及竟張壇誓乃謁闕人闕人問從者  
幾人以介對君使士請事遂以入竟入竟斂壇乃展布



幕賓朝服立于幕東西面介皆北面東上賈人北面坐  
拭圭遂執展之上介北面視之退復位退圭陳皮北首  
西上又拭壁展之會諸其幣加于左皮上上介視之退  
馬則幕南北面奠幣于其前展夫人之聘享亦如之賈  
人告于上介上介告于賓有司展羣幣以告及郊又展  
如初及館展幣于賈人之館如初

右習禮  
展幣

賓至于近

郊張旌君使下大夫請行反君使卿朝服用束帛勞上  
介出請入告賓禮辭迎于舍門之外再拜勞者不答拜

賓揖先入受於舍門內勞者奉幣入東面致命賓北面  
聽命還少退再拜稽首受幣勞者出授老幣出迎勞者  
勞者禮辭賓揖先入勞者從之乘皮設賓用束錦償勞  
者勞者再拜稽首受賓再拜稽首送幣勞者揖皮出乃  
退賓送再拜夫人使下大夫勞以二竹簋方玄被纁裏  
有蓋其實棗蒸栗擇魚執之以進賓受棗大夫二手授  
栗賓之受如初禮償之如初下大夫勞者遂以賓入

記

無常孫而說辭多則史少則不達辭苟足以達義  
之至也辭曰非禮也敢對曰非禮也敢右郊勞

至

于朝主人曰不腆先君之祧既拚以俟矣賓曰侯間大  
夫帥至于館卿致館賓迎再拜卿致命賓再拜稽首卿  
退賓送再拜宰夫朝服設殮飪一牢在西鼎九羞鼎三  
腥一牢在東鼎七堂上之饌八西夾六門外米禾皆二  
十車薪芻倍禾上介飪一牢在西鼎七羞鼎三堂上之  
饌六門外米禾皆十車薪芻倍禾衆介皆少牢記卿館于大夫  
大夫館于士士館于工商管人為客三日具沐五日具浴殮不致賓不拜沐浴而食之右致館設殮厥  
明訝賓于館賓皮弁聘至于朝賓入于次乃陳幣卿為

上擯大夫為承擯士為紹擯擯者出請事公皮弁迎賓于大門內大夫納賓賓入門左公再拜賓辟不答拜公揖入每門每曲揖及廟門公揖入立于中庭賓立接西塾

記鄉大夫訝大夫士訝士皆有訝宗人授次次以惟少退于君之次右迎賓向廟

几筵既

設擯者出請命賈人東面坐啓櫝取圭垂纁不起而授上介上介不襲執圭屈纁授賓賓襲執圭擯者入告出辭玉納賓賓入門左介皆入門左北面西上三揖至于階三讓公升二等賓升西楹西東面擯者退中庭賓致

命公左還北鄉擯者進公當楣再拜賓三退負序公側  
襲受玉于中堂與東楹之間擯者退負東塾而立賓降  
介逆出賓出公側受宰玉謁降立擯者出請賓謁奉束  
帛加璧享擯者入告出許庭實皮則攝之毛在內內攝  
之入設也賓入門左揖讓如初升致命張皮公再拜受  
幣士受皮者自後右客賓出當之坐攝之公側受宰幣  
皮如入右首而東聘于夫人用璋享用琮如初禮記禮不拜  
至唯大聘有几筵上介執圭如重授賓賓入門皇升堂  
讓將授志趨授如爭承下如送君還而后退下階發氣

怡焉再三舉足又趨及門正焉執圭入門鞠躬焉如恐失之及享發氣焉盈容衆介北面踰焉出如舒鴈皇且行入門主敬升堂主慎凡庭實隨入左先皮馬相間可也賓之幣唯馬出其餘皆東多貨則傷于德幣美則沒禮曰子以君命在寡君寡君拜君命之辱君以社稷故在寡小君拜若君不見使大夫受自下聽命自西階升受負右房而立賓降亦降不禮右行聘及享禮

若有言則以束帛如享禮

若

有故則率聘束帛加書將命百名以上書于策不及百名書于方主人使人與客讀諸門外客將歸使大夫以其束帛反命于館明日

擯者出請事賓告事畢賓奉

君館之又拜送右有言

束錦以請覲擯者入告出辭請禮賓賓禮辭聽命擯者入告宰夫徹几改筵公出迎賓以入揖讓如初公升側

受几于序端宰夫內拂几三奉兩端以進公東南鄉外  
拂几三牽振袂中攝之進西鄉擯者告賓進訝受几于  
筵前東面俟公壹拜送賓以几辟北面設几不降階上  
答再拜稽首宰夫實觶以醴加杞于觶面枋公側受醴  
賓不降壹拜進筵前受醴復位公拜送醴宰夫薦籩豆  
脯醢賓升筵擯者退負東塾賓祭脯醢以杞祭醴三庭  
實設降筵北面以杞魚諸觶尚撤坐啐醴公用束帛建  
枳北面奠于薦東擯者進相幣賓降辭幣公降一等辭

栗階升聽命降拜公辭升再拜稽首受幣當東楹北面退東面俟公壹拜賓降也公再拜賓執左馬以出上介

受賓幣從者訝受馬

記醴尊于東箱瓦大一有豐薦脯五臠祭半臠橫之祭醴再扱始扱

一祭卒再祭主人之庭實則主人遂以出賓之士訝受之右醴賓

賓覲奉束錦總乘馬

二人贊入門右北面奠幣再拜稽首擯者辭賓出擯者坐取幣出有司二人牽馬以從出門西面于東塾南擯者請受賓禮辭聽命牽馬右之入設賓奉幣入門左介皆入門左西上公揖讓如初升公北面再拜賓三退反



還負序振幣進授當東楹北面士受馬者自前還牽者  
後適其右受牽馬者自前西乃出賓降階東拜送君辭  
拜也君降一等辭擯者曰寡君從子雖將拜起也栗階  
升公西鄉賓階上再拜稽首公少退賓降出公側授宰  
幣馬出公降立擯者出請上介奉束錦士介四人皆奉  
玉錦束請覲擯者入告出許上介奉幣儷皮二人贊皆  
入門右東上奠幣皆再拜稽首擯者辭介逆出擯者執  
上幣士執衆幣有司二人舉皮從其幣出請受委皮南

面執幣者西面北上擯者請受介禮辭聽命皆進訝受其幣上介奉幣皮先入門左奠皮公再拜介振幣自皮西進北面授幣退復位再拜稽首送幣介出宰自公左受幣有司二人坐舉皮以東擯者又納士介士介入門右奠幣再拜稽首擯者辭介逆出擯者執上幣以出禮請受賓固辭公答再拜擯者出立于門中以相拜士介皆辟士三人東上坐取幣立擯者進宰夫受幣于中庭以東執幣者序從之擯者出請賓告事畢擯者入告公出送

賓及大門內公問君賓對公再拜公問大夫賓對公勞

賓賓再拜稽首公答拜公勞介介皆再拜稽首公答拜

賓出公再拜送賓不顧

記私覲愉愉焉既覲賓若私獻奉獻將命擯者入告出禮辭賓

東面坐奠獻再拜稽首擯者東面坐取獻舉以入告出禮請受賓固辭公答再拜擯者立于闕外以相拜賓辟擯者搜宰夫于中庭若兄弟之國則問夫人右私覲及送賓

賓請有事于大夫公禮

辭許賓即館卿大夫勞賓賓不見大夫奠鴈再拜介受勞亦如之

記賓即館訝將公命又見之以其執幣之所及皆勞不釋服右即館

君使卿韋弁歸饗

餼五牢上介請事賓朝服禮辭有司入陳饗餼一牢鼎

九設于西階前陪鼎當內廉東面北上上當碑南陳牛  
羊豕魚腊腸胃同鼎膚鮮魚鮮腊設局鼐腳臠臠盖陪  
牛羊豕腥二牢鼎二七無鮮魚鮮腊設于阼階前西面  
南陳如飪鼎二列堂上八豆設于戶西西陳皆二以竝  
東上韭菹其南醯醢屈八簋繼之黍其南稷錯六鉶繼  
之牛以西羊豕豕南牛以東羊豕兩簋繼之梁在北八  
壺設于西序北上二以竝南陳西夾六豆設于西墉下  
北上韭菹其東醯醢屈六簋繼之黍其東稷錯四鉶繼

之牛以南羊羊東豕豕以北牛兩簠繼之梁在西皆二  
以竝南陳六壺西上二以竝東陳饌于東方亦如之西  
北上壺東上西陳醢醢百甕夾碑十以為列醢在東籩  
二牢陳于門西北面東上牛以西羊豕豕西牛羊豕米  
百筥筥半斛設于中庭十以為列北上黍梁稻皆二行  
稷四行門外米三十車車秉有五簋設于門東為三列  
東陳禾三十車車三秬設于門西西陳薪芻倍禾賓皮  
弁迎大夫于外門外再拜大夫不答拜揖入及廟門賓

揖入大夫奉束帛入三揖皆行至于階讓大夫先升一等賓從升堂北面聽命大夫東面致命賓降階西再拜稽首拜餼亦如之大夫辭升成拜受幣堂中西北面大夫降出賓降授老幣出迎大夫大夫禮辭許入揖讓如初賓升一等大夫從升堂庭實設馬乘賓降堂受老東錦大夫止賓奉幣西面大夫東面賓致幣大夫對北面當楣再拜稽首受幣于楹間南面退東面俟賓再拜稽首送幣大夫降執左馬以出賓送于外門外再拜明日

賓拜于朝拜饗與餼皆再拜稽首上介饗餼三牢飪一牢在西鼎七羞鼎三腥一牢在東鼎七堂上之饌六西夾亦如之管及蕕如上賓餼一牢門外米禾視死牢牢十車薪芻倍禾凡其實與陳如上賓下大夫韋弁用束帛致之上介韋弁以受如賓禮餽之兩馬束錦士介四人皆餼大牢米百管設于門外宰夫朝服牽牛以致之

士介朝服北面再拜稽首受無償

記十斗曰斛十六斗曰簋十簋曰秉二百

四十斗四秉曰管十管曰稷十稷曰秬四百秉為一秬賜饗唯羹飪筮一尸若昭若穆僕為祝祝曰孝孫其孝

子某薦嘉禮于皇祖某甫皇考某子如饋食之禮假器于大夫胙肉及庖車士無饗無饗者無饋歸大禮之日既受饗餼請觀訝帥之賓朝服問卿卿受于祖廟下自下門入右歸饗餼

大夫擯擯者出請事大夫朝服迎于外門外再拜賓不答拜揖大夫先入每門每曲揖及廟門大夫揖入擯者請命庭實設四皮賓奉束帛入三揖皆行至于階讓賓升一等大夫從升堂北面聽命賓東面致命大夫降階西再拜稽首賓辭升成拜受幣堂中西北面賓降出大夫降授老幣無饋擯者出請事賓面如覲幣賓奉幣庭



實從入門右大夫辭賓遂左庭實設揖讓如初大夫升一等賓從之大夫西面賓稱面大夫對北面當楣再拜受幣于楹間南面退西面立賓當楣再拜送幣降出大夫降受老幣擯者出請事上介特面幣如覲介奉幣皮二人贊入門右奠幣再拜大夫辭擯者反幣庭實設介奉幣入大夫揖讓如初介升大夫再拜受介降拜大夫降辭介升再拜送幣擯者出請衆介面如覲幣入門右奠幣皆再拜大夫辭介逆出擯者執上幣出禮請受賓

辭大夫答再拜擯者執上幣立于門中以相拜士介皆  
辟老受擯者幣于中庭士三人坐取羣幣以從之擯者  
出請事實出大夫送于外門外再拜賓不顧擯者退大  
夫拜辱下大夫嘗使至者幣及之上介朝服三介問下  
大夫下大夫如卿受幣之禮其面如賓面于卿之禮大  
夫若不見君使大夫各以其爵為之受如主人受幣禮  
不拜記聘曰致饗明日問大夫大夫不敢辭君初為之  
辭矣君貺寡君延及二三老拜賓既將公事復見  
訝以其勢既將公事賓  
請歸右賓介問卿面卿  
夕夫人使下大夫韋弁歸禮

堂上籩豆六設于戶東西上二以竝東陳壺設于東序  
北上二以竝南陳醢黍清皆兩壺大夫以束帛致之賓  
如受饗之禮儔之乘馬束錦上介四豆四籩四壺受之  
如賓禮儔之兩馬束錦明日賓拜禮於朝

記夕夫人歸  
禮右夫人歸

禮

大夫餼賓大牢米八筐賓迎再拜老牽牛以致之

賓再拜稽首受老退賓再拜送上介亦如之衆介皆少

牢米六筐皆士牽羊以致之

記凡餼大夫黍梁稷  
筐五斛右大夫致餼

公

於賓壹食再饗燕與羞俶獻無常數賓介皆明日拜於

朝上介壹食壹饗若不親食使大夫各以其爵朝服致

之以侑幣如致饗無償致饗以酬幣亦如之

記大夫來使無罪饗

之過則餼之其介為介有大客後至則先客不饗食致之燕則上介為賓賓為苟敬宰夫獻凡致禮皆用其饗之加籩豆各以其爵朝服無饗者無饗禮既致饗旬而稍宰夫始歸乘禽日如其饗餼之數士中日則二雙凡獻執一雙委其餘于面禽羞俶獻比右主君食饗

大夫於賓壹饗壹食上介

若食若饗若不親饗則公作大夫致之以酬幣致食以

侑幣

右大夫食饗

君使卿皮弁還玉于館賓皮弁襲迎于

外門外不拜帥大夫以入大夫升自西階鉤楹賓自碑

內聽命升自西階自左南面受圭退負右房而立大夫  
降中庭賓降自碑內東面授上介于阼階東上介出請  
賓迎大夫還璋如初入賓謁迎大夫賄用束紡禮玉束  
帛乘皮皆如還玉禮大夫出賓送不拜

記賄在聘于賄  
無行則重賄反

幣右還  
玉報享

公館賓賓辟上介聽命聘享夫人之聘享問

大夫送賓公皆再拜公退賓從請命于朝公辭賓退賓

三拜乘禽于朝訝聽之遂行舍于郊

記凡賓拜于朝訝  
聽之賓于館堂楹

問釋四皮束帛賓不  
致主人不拜右謝聘

公使卿贈如覲幣受于舍門外

如受勞禮無償使下大夫贈上介亦如之使士贈衆介  
如其覲幣大夫親贈如其面幣無償贈上介亦如之使  
人贈衆介如其面幣士送至于竟

右贈送

使者歸及郊

請反命朝服載旌襍乃入乃入陳幣于朝西上上賓之  
公幣私幣皆陳上介公幣陳他介皆否束帛各加其庭  
實皮左公南鄉卿進使者使者執圭垂纁北面介執  
璋屈纁立于其左反命曰以君命聘于某君某君受幣  
于某官某君再拜以享某君某君再拜宰自公左受玉

受上介璋致命亦如之執賄幣以告曰某君使某子賄授宰禮玉亦如之執禮幣以盡言賜禮公曰然而不善乎授上介幣再拜稽首公答再拜私幣不告君勞之再拜稽首君答再拜若有獻則曰某君之賜也君其以賜乎上介徒以公賜告如上賓之禮君勞之再拜稽首君答拜勞士介亦如之君使宰賜使者幣使者再拜稽首賜介介皆再拜稽首乃退介皆送至于使者之門乃退揖使者拜其辱

右反命

釋幣于門乃至于禰筵几于室

薦脯醢觴酒陳席于阼薦脯醢三獻一人舉爵獻役者  
行酬乃出上介至亦如之

右釋幣  
奠禍

聘遭喪入竟則遂

也不郊勞不筵几不禮賓主人畢歸禮賓唯饗餼之受  
不賄不禮玉不贈遭夫人世子之喪君不受使大夫受  
于廟其他如遭君喪遭喪將命于大夫主人長衣練冠  
以受聘君若薨于後入竟則遂赴者未至則哭于巷哀  
于館受禮不受饗食赴者至則哀而出唯稍受之歸執  
圭復命于殯升自西階不升堂子即位不哭辯復命如



聘子臣皆哭與介入北鄉哭出袒括髮入門右即位踊  
若有私喪則哭于館哀而居不饗食歸使衆介先哀而  
從之賓入竟而死遂也主人為之具而殯介攝其命君  
弔介為主主人歸禮幣必以用介受賓禮無辭也不  
饗食歸介復命柩止于門外介卒復命出奉柩送之君  
弔卒殯若大夫介卒亦如之士介死為之棺斂之君不  
弔焉若賓死未將命則既斂于棺造于朝介將命若介  
死歸復命唯上介造于朝若介死雖士介賓既復命往

卒殯乃歸

右聘而遭變之禮

小聘曰問不享有獻不及夫人

主人不筵几不禮面不升不郊勞其禮如為介三介

右小

聘禮記諸侯未及期相見曰遇相見于郤地曰會諸侯使大夫問于諸侯曰聘約信曰誓泚牲曰盟曲禮

禮記

聘義

聘禮上公七介侯伯五介子男三介所以明貴

賤也介紹而傳命君子于其所尊弗敢質敬之至也三

讓而后傳命三讓而后入廟門三讓而后至階三讓而

后升所以致尊讓也君使士迎于竟大夫郊勞君親拜

迎于大門之內而廟受北面拜貺拜君命之辱所以致

敬也敬讓也者君子之所以相接也故諸侯相接以敬讓則不相侵陵卿為上擯大夫為承擯士為紹擯君親禮賓賓私面私覲致饗餼還圭璋賄贈饗食燕所以明賓客君臣之義也故天子制諸侯比年小聘三年大聘相厲以禮使者聘而誤主君弗親饗食也所以愧厲之也諸侯相厲以禮則外不相侵內不相陵此天子之所以養諸侯兵不用而諸侯自為正之具也以圭璋聘重禮也已聘而還圭璋此輕財而重禮之義也諸侯相厲

以輕財重禮則民作讓矣主國待客出入三積餼客于舍五牢之具陳于內米三十車禾三十車芻薪倍禾皆陳于外乘禽日五雙羣介皆有餼牢壹食再饗燕與時賜無數所以厚重禮也古之用財者不能均如此然而用財如此其厚者言盡之于禮也盡之于禮則內君臣不相陵而外不相侵故天子制之而諸侯務焉爾聘射之禮至大禮也質明而始行事日幾中而后禮成非强有力者弗能行也故强有力者將以行禮也酒清人

渴而不敢飲也肉乾人飢而不敢食也日莫人倦齊莊  
正齊而不敢解惰以成禮節以正君臣以親父子以和  
長幼此衆人之所難而君子行之故謂之有行有行之  
謂有義有義之謂勇敢故所貴於勇敢者貴其能以立  
義也所貴于立義者貴其有行也所貴於有行者貴其  
行禮也故所貴于勇敢者貴其敢行禮義也故勇敢強  
有力者天下無事則用之于禮義天下有事則用之于  
戰勝用之于戰勝則無敵用之于禮義則順治外無敵

內順治此之謂盛德故聖王之貴勇敢强有力如此也  
勇敢强有力而不用之于禮義戰勝而用之于爭鬪則  
謂之亂人刑罰行於國所誅者亂人也如此則民順治  
而國安也

### 公食大夫禮

儀禮公食大夫之禮使大夫戒各以其爵上介出請入  
告三辭賓出拜辱大夫不答拜將命賓再拜稽首大夫  
還賓不拜送遂從之賓朝服即位于大門外如聘記不  
風戒

戒不速賓之乘車在大門外西方北面立右戒賓

即位具羹定甸人陳鼎七

當門南面西上設局鼎鼎若東若編設洗如饗小臣具

槃匱在東堂下宰夫設筵加席几無尊飲酒漿飲俟于

東房凡宰夫之具饌于東房

記不授几無昨席亨于門外東方司宮具几與蒲筵

常緇布純加萑席尋玄帛純皆卷自末宰夫筵出自東房上大夫蒲筵加萑席其純皆如下大夫純右陳器饌

公如賓服迎賓于大門內大夫納賓賓入門左公再

拜賓辟再拜稽首公揖入賓從及廟門公揖入賓入三

揖至于階三讓公升二等賓升大夫立于東夾南西面

北上士立于門東北面西上小臣東堂下南面西上宰  
東夾北西面南上內官之士在宰東北西面南上介門  
西北面西上公當楣北鄉至再拜賓降也公再拜賓西  
階東北面答拜擯者辭拜也公降一等辭曰寡君役子  
雖將拜興也賓栗階升不拜命之成拜階上北面再拜

稽首

記卿擯由下上贊下大夫也右迎賓拜至

士舉鼎去鼎于外次入陳

鼎于碑南南面西上右人抽扃坐奠于鼎西南順出自  
鼎西左人待載雍人以俎入陳于鼎南旅人南面加匕



于鼎退大夫長盥洗東南西北上序進盥退者與進者交于前卒盥序進南面也載者西面魚腊飪載體進奏魚七縮俎寢右腸胃七同俎倫膚七腸胃膚皆橫諸俎垂之大夫既匕匕奠于鼎逆退復位

右鼎八載俎

公降

盥賓降公辭卒盥公壹揖壹讓公升賓升宰夫自東房授醢醬公設之賓辭北面坐遷而東遷所公立于序內西鄉賓立于階西疑立宰夫自東房薦豆六設于醬東西上韭菹以東醢醢昌本昌本南麋鷩以西菁菹鹿鷩

士設俎于豆南西上牛羊豕魚在牛南腊腸胃亞之膚  
以為特旅人取七甸人舉鼎順出奠于其所宰夫設黍  
稷六簋于俎西二以竝東北上黍當牛俎其西稷錯以  
終南陳太羹清不和實于鐙宰右執鐙左執蓋由門入  
升自阼階盡階不升堂授公以蓋降出入反位公設之  
于醬西賓辭坐遷之宰夫設鉶四于豆西東上牛以西  
羊羊南豕豕以東牛飲酒實于觶加于豐宰夫右執觶  
左執豐進設于豆東宰夫東面坐啓簋會各卻于其西

上大夫八豆八簋六鉶九俎魚腊皆二俎魚腸胃倫膚

若九若十有一下大夫則若七若九

記鉶芼牛藿羊苦豕薇皆有滑贊者

盥從俎升右設正饌

贊者負東房南面告具于公公再拜揖食

賓降拜公辭賓升再拜稽首賓升席坐取韭菹以辯孺

于醢上豆之間祭贊者東面坐取黍實于左手辯又取

稷辯反于右手興以授賓賓祭之三牲之肺不離贊者

辯取之壹以授賓賓興受坐祭扱手扱上鉶以柶辯孺

之上鉶之間祭祭飲酒于上豆之間魚腊醬醢不祭

右賓

祭饌

宰夫授公飯梁公設之于湑西賓北面辭坐遷之  
公與賓皆復初位宰夫膳稻于梁西士羞庶羞皆有大  
羞執豆如宰先者反之由門入升自西階先者一人升  
設于稻南簋西閒容人旁四列西北上腳以東臠臠牛  
炙炙南醢以西牛載醢牛鮓鮓南羊炙以東羊載醢豕  
炙炙南醢以西豕載芥醬魚膾衆人膳羞者盡階不升  
堂授以羞降出贊者負東房告備于公贊升賓賓坐席  
末取梁即稻祭于醬湑閒贊者北面坐辯取庶羞之大

興一以授賓賓受蕪壹祭之賓降拜公辭賓升再拜稽首公答再拜庶羞西東毋過四列上大夫庶羞二十加

于下大夫以雉兔鶉鴛

記簋有蓋舉凡炙無醬右設加饌庶羞

賓北面

自閒坐左擯簋梁右執湑以降公辭賓西面坐奠于階西東面對西面坐取之栗階升北面反奠于其所降辭公公許賓升公揖退于箱擯者退負東塾而立賓坐遂卷加席公不辭賓三飯以湑醬宰夫執觶漿飲與其豐以進賓挽手興受宰夫設其豐于稻西庭實設賓坐祭

遂飲奠於豐上公受宰夫束帛以侑西鄉立賓降筵北面  
擯者進相幣賓降辭幣升聽命降拜公辭賓升再拜  
稽首受幣當東楹北面退西楹西東面立公壹拜賓降  
也公再拜介逆出賓北面揖執庭實以出公降立上介  
受賓幣從者訝受皮賓入門左沒雷北面再拜稽首公  
辭揖讓如初升賓再拜稽首公答再拜賓降辭公如初  
賓升公揖退于箱賓卒食會飯三飲不以醬酒挽手興  
北面坐取梁與醬以降西面坐奠于階西東面再拜稽

首公降再拜介逆出賓出公送于大門內再拜賓不顧

有司卷三牲之俎歸于賓館魚腊不與

記上大庶羞酒飲漿飲庶羞

可也右賓食及侑幣

明日賓朝服拜賜于朝拜食與侑幣皆再

拜稽首訝聽之

記拜食與侑幣皆再拜稽首右賓拜賜

若不親食使大

夫各以其爵朝服以侑幣致之豆實實于壺陳于楹外

二以竝北陳簋實實于筐陳于楹內兩楹間二以竝南

陳庶羞陳于碑內庭實陳于碑外牛羊豕陳于門內西

方東上賓朝服以受如受饗禮無僨明日賓朝服以拜

賜于朝訝聽命

右不親食

大夫相食親戒速迎賓于門外

拜至皆如饗拜降盥受醬涪侑幣束錦也皆自阼階降

堂受授者升一等賓止也賓執梁與涪之西序端主人

辭賓反之卷加席主人辭賓反之辭幣降一等主人從

受侑幣再拜稽首主人送幣亦然辭于主人降一等主

人從卒食徹于西序端東面再拜降出其他皆如公食

大夫之禮若不親食則公作大夫朝服以侑幣致之賓

受于堂無償

右大夫相食

公與客燕曰寡君有不腆之酒




以請吾子之與寡君湏臾焉使某也以請對曰寡君君之私也君無所辱賜于使臣臣敢辭寡君固曰不腆使某固以請寡君君之私也君無所辱賜于使臣臣敢固辭寡君固曰不腆使某固以請某固辭不得命敢不從致命曰寡君使某有不腆之酒以請吾子之與寡君湏

臾焉君貺寡君多矣又辱賜于使臣臣敢拜賜命

記若與四

方之賓燕則公迎之于大門內揖讓升賓為苟敬席于作階之西北面有胾不啻肺不啻酒其介為賓無膳尊無膳爵若與四方之賓燕膳爵曰臣受賜矣臣請贊執爵者相者對曰吾子無自辱焉有房中之樂右公燕客之

禮 此段原載燕禮  
篇內今以類移此



釋史卷二十四之二